

George Zceiszke, Paul Rymers eidem, hat vorschribenn seine schwbang, die etwan der alten Wendeschuchin gewest, dor zu alle seine guter, farende vnd vnfarende, vor funff marg gr, zuuorzcinßenn den Kirchengvetern der Cappellen Marie Magdalenen vnd Marthenn, die helffte auff Walpurgis vnd die andern helffte uff Michaelis. Actum anno Jubilei 1500. (Tag fehlt, vielleicht auch 17. Nov.)

(Bl. 15b und 16a sind unbeschrieben, dazwischen 2 leere Blätter herausgerissen.)

## H

### 16b

Hannus Birkholz hat vorsaczt seyn haus vor dem Lawenthore vor 5 mr gr Hinriche Norenberg, dauon her des joris czinsin sal also gewonlich ist off eynen widdirkoff. Testes Jenchin vom Spone richter, Nicclas Weissinborg, Hans Czeiseler, Nicclas Auskewicz vnd Mertin Phol schepphin. Anno Domini 1425, tercia feria post Egidii. (4. Sept.) (gelöscht)

Hannus Freyberg hat vorsaczt alle seyne gutter varnde vnd vnvarnde Hinriche Langehempil vor 20 mr gr, douon her des joris czinsen zal also gewonlich ist off eynen widdirkouff. Des sint geczewge Jenchin von Spone richter, Hannus Czeiseler, Nicclas Weissinburg vnd Nicclas Auskewicz etc. schepphin. Anno Domini 1425, quarta feria ante Natiuitatis Marie. (5. Sept.) (gelöscht)

Hannus Groman vnd Jocoff Themericz, dy haben vorsaczt alle ere gutter, varnde vnd vnvarnde, Nickil, Petir Gromans sone, vor 11 mr ane 12 gr, douon her des joris czinsen zal also gewonlich ist, off eynen widdirkouff, y dach mit sulchem vndirscheide: Wenne der junge zcu seynen joren kommet vnd her seyn geld fordern wirt, zo sullen dy obgnanten Hannus vnd Jocoff dem obgeschrebin Nickil seyn geld bezalen innewennig jore vnd tage. Des sint geczewge Jenchin vom Spone richter, Hannus Czeiseler vnd Nicclas Weissinburg etc schepphin. Anno Domini 1425, quarta feria ante Natiuitatis Marie. (5. Sept.) (gelöscht)

Hannus Jorge leyneweber hat vorsaczt seyn haus vnd alle seyne gutter, varnde vnd vnvarnde, Barbare der Hinczynne von Drosaw vnd Jorgen, erem sone, vor 5 mr gr, douon her des joris czinsin sal also gewonlich ist off widdirkouff. Des sint geczewge Jenchin vom Spone richter, Hannus Czeiseler vnd Nicclas